



AKCIJA VOLAN Pripadnici **SIPA-e** zadali težak udarac kradljivcima vozila

# Šestorica automafijaša smještena iza brave

Do sada je ova akcija obuhvatila ukupno 19 osoba, od kojih se devet odranije nalazi u pritvoru • Vrijednost ukradenih vozila iznosi više miliona maraka

Nakon što su u februaru i martu uhapšena četiri člana automafije iz Lukavice i Sokoca, pripadnici Agencije za istrage i zaštitu (**SIPA**) BiH u nastavku operativne akcije "Volan" 13. jula uhapsili su šest osoba osumnjičenih za organizirani kriminal, krijumčarenje, teške krađe vozila i iznudu.

## Dijelove prodavali

Prikupljeni su dokazi koji ukazuju na to da se uhapšeni dovode u vezu s krađom više od 100 skupocjenih motornih vozila, kojima su policija, sigurnosne i pravosudne institucije uspjele ući u trag, a čija vrijednost iznosi više miliona KM.

Akcija „Volan“ usmjerena je na otkrivanje i procesuiranje struktura automafije na području Sarajeva, Istočnog Sarajeva, zapadne Hercegovine i BiH. Do sada je ova akcija obuhvatila ukupno 19 osoba, od kojih se devet odranije nalazi u pritvoru.

Sumnja se da su navedeni pripadnici organiziranih kriminalnih grupa, koje su djelovale na području Sarajeva, Istočnog Sarajeva, Hercegovine, Mostara, Tuzle i drugih mjesta, odgovorni za veliki broj krađa vozila od 2011. do 2017. godine.

Istragom je utvrđeno da su ukradena vozila odvozili i sakrivali na različitim lokacijama, organizirali njihovo prebacivanje preko granice BiH, nakon čega su vozila ili njihove dijelove prodavali na području Srbije, Hrvatske, Crne Gore i šire. Članovi četiri razbijene grupe koje

su djelovale u oba bh. entiteta također su tražili otkup za ukradena vozila te, ukoliko otkup ne bi bio realiziran, vozila krijumčarili u zemlje regiona, a isječene dijelove prodavali i u BiH.

## Imali zadatke

Svaki od pripadnika kriminalne grupe imao je tačno određenu ulogu i unaprijed određene zadatke, za što je dobivao određeni procent od konačne dobiti.

**SIPA** izražava zahvalnost Obavještajno-sigurnosnoj agenciji BiH, Ministarstvu unutrašnjih poslova Srbije, Graničnoj policiji BiH, Ministarstvu unutrašnjih poslova Kantona Sarajevo i Ministarstvu unutrašnjih poslova Republike Srpske na pruženoj pomoći prilikom realizacije ove akcije, koja predstavlja jednu od najsloženijih policijskih akcija u BiH.

**B. CERIĆ**



## Grupe iz Lukavice i sa Sokoca

U februaru i martu ove godine bili su privođeni osumnjičeni Miroslav Pajić, Sreto Pajić i Zoran Mirjanić iz Lukavice te Miloš Todorović sa Sokoca. Oni se sumnjiče za organizirani kriminal, odnosno krađe vozila i iznude.


## Ukraden pa pronađen Tiguan

jevo, prijeteci pištoljem i nožem, od K. D. otele skupocjeni terenac VW Tiguan i torbicu s novcem i dokumentima. Vozilo su oko 15.30 sati pronašli pripadnici Policijske uprave Istočno Sarajevo.

Samo dan nakon akcije, jučer je u Sarajevu ukraden još jedan skupocjeni automobil. Dvije maskirane osobe u petak su u 7.20 sati u ulici Antuna Branka Šimića, općina Novi Grad Sara-



**Vozila sjekli za dijelove**



**Jedno od pronađenih vozila**